



**ӨМНӨГОВЬ АЙМАГ ДАХЬ  
ТӨРИЙН АУДИТЫН ГАЗАР**

Нутгийн удирдлагын ордон 304 тоот, 3 дугаар баг,  
Даланзадгад сум, Өмнөговь аймаг, 46083  
Утас: (976) 7053 3539, Цахим хуудас: [www.audit.mn](http://www.audit.mn)  
Цахим шуудан: [umnugovi@audit.gov.mn](mailto:umnugovi@audit.gov.mn)

**ЦОГТЦЭЦИЙ СУМЫН СОНГУУЛИЙН  
ХОРООНД**

2024.08.06 № 548  
танай \_\_\_\_\_-ны № \_\_\_\_\_-т

Сонгуулийн мөрийн хөтөлбөр хуульд  
заасан шаардлагад нийцсэн талаарх  
дүгнэлт

Төрийн аудитын тухай хуулийн 6 дугаар зүйл, Аймаг, нийслэл, сум, дүүргийн Иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.5, Хөгжлийн бодлого, төлөвлөлт, түүний удирдлагын тухай хуулийн 5.4-т заасан бүрэн эрхийн хүрээнд 2024 оны Цогтцэций сумын иргэдийн Төлөөлөгчдийн Хурлын ээлжит сонгуульд оролцох "Ардчилсан нам"-ын сонгуулийн мөрийн хөтөлбөрийг хянаж, дүгнэлт гаргалаа.

**Үүрэг хариуцлагын талаарх мэдээлэл**

2024 оны Аймаг, нийслэл, сум, дүүргийн Иргэдийн Төлөөлөгчдийн Хурлын ээлжит сонгуульд оролцох нам, эвсэл болон бие даан нэр дэвшигч нь сонгуулийн мөрийн хөтөлбөрөө Аймаг, нийслэл, сум, дүүргийн Иргэдийн Төлөөлөгчдийн Хурлын ээлжит сонгуулийн тухай хууль, Төсвийн тогтвортой байдлын тухай хууль, Хөгжлийн бодлого, төлөвлөлт, түүний удирдлагын тухай хууль болон Монгол Улсын Үндэсний аюулгүй байдлын үзэл баримтлал, "Алсын хараа-2050" Монгол Улсын урт хугацааны хөгжлийн бодлого, УИХ-аас баталсан хөгжлийн бодлого, төлөвлөлтийн баримт бичигт нийцүүлэн боловсруулж, санхүүгийн тодорхой эх үүсвэр шаардсан зорилт, арга хэмжээг хэрэгжүүлэхэд шаардагдах зардлын талаарх тооцоо, судалгааг гарган хуульд заасны дагуу дүгнэлт гаргуулах үүрэг хүлээнэ.

**Сонгуулийн мөрийн хөтөлбөрийн дүгнэлтийн үндэслэл**

Төрийн аудитын байгууллага нь 2024 оны Аймаг, нийслэл, сум, дүүргийн Иргэдийн Төлөөлөгчдийн Хурлын ээлжит сонгуульд оролцох нам, эвсэл болон бие даан нэр дэвшигчийн сонгуулийн мөрийн хөтөлбөрийг хянан үзэхдээ Төрийн аудит MNS 6817 - 1 : 2020 Төрийн аудит. Тулгуур зарчим, MNS 6817 - 6 : 2020 Төрийн аудит. Нийцлийн аудитын зарчим, MNS 6817 - 8 : 2020 Төрийн аудит. Нийцлийн аудит стандартыг удирдлага болгон Монгол Улсын Их Хурлын сонгуулийн тухай хууль, Төсвийн тогтвортой байдлын тухай хууль, Хөгжлийн бодлого, төлөвлөлт, түүний удирдлагын тухай хууль болон Монгол Улсын Үндэсний аюулгүй байдлын үзэл баримтлал, "Алсын хараа-2050" Монгол Улсын урт хугацааны хөгжлийн бодлого, УИХ-аас баталсан хөгжлийн бодлого, төлөвлөлтийн баримт бичиг, Монгол Улсын нэгдсэн төсвийн 2024 оны төсвийн хүрээний мэдэгдэл, 2025-2026 оны төсвийн төсөөллийн тухай хууль, холбогдох байгууллагаас авсан тайлан, судалгаа, мэдээллийг тус тус шалгуур болгон авч үзсэн.

## Дүгнэлт

“Ардчилсан нам”-ын Цогтцэций сумын иргэдийн Төлөөлөгчдийн Хурлын 2024 оны ээлжит сонгуульд оролцохоор ирүүлсэн сонгуулийн мөрийн хөтөлбөрийн зорилт, арга хэмжээ нь Аймаг, нийслэл, сум, дүүргийн Иргэдийн Төлөөлөгчдийн Хурлын ээлжит сонгуулийн тухай хуулийн 37 дугаар зүйлийн 37.3 дахь хэсэг, Хөгжлийн бодлого, төлөвлөлт, түүний удирдлагын тухай хуулийн 5 дугаар зүйлийн 5.3 дахь хэсэг, Төсвийн тогтвортой байдлын тухай хуульд заасан тусгай шаардлагад тус тус нийцсэн байна.

“Ардчилсан нам”-ын мөрийн хөтөлбөр ( /1... хуудас)-ийг хавсаргав.

Хувийг: Цогтцэций сумын Ардчилсан намын хороонд

ДАРГА, ТЭРГҮҮЛЭХ АУДИТОР



Ц.ӨСӨХБАЯР



ЦОГТЦЭЦИЙ СУМЫН АРДЧИЛСАН НАМААС ДЭВШҮҮЛЖ БУЙ  
ИРГЭН БҮРИЙГ ЭРХ ЧӨЛӨӨТЭЙ, ЭХ ОРОНТОЙ,  
ЭРҮҮЛ ЧИЙРЭГ, ЭРДЭМ МЭДЛЭГТЭЙ, ЭЛБЭГ БАЯН  
БАЙЛГАХ ӨМНӨГОВЬ НУТГИЙН ХИШИГ-2028  
ХӨТӨЛБӨР

**X**

## Эдийн засгийн өсөлтийн зорилго, зорилт

Мэдлэгийн эдийн засаг, технологийн дэвшил, ногоон хөгжил болон уул уурхайд түшиглэсэн хөдөө аж ахуй, аялал жуулчлал, тээвэр логистик, палеонтологи, архиологи, экологи, үйлдвэрлэлийн салбарыг хөгжүүлж, тогтвортой эдийн засгийн өсөлтийг бий болгоно.

- Зорилт 1.** Иргэдийн ажлын байрыг нэмэгдүүлэн, өрхийн орлогыг өсгөх замаар оролцоотой эдийн засгийг хөгжүүлж, дундаж давхаргыг тэлнэ.
- Зорилт 2.** Мэдлэг, өртөг шингэсэн, өрсөлдөх чадвартай бүтээгдэхүүн үйлдвэрлэх, үйлчилгээ эрхлэх орчин бүрдүүлж, экспортод гаргахад дэмжлэг үзүүлнэ.
- Зорилт 3.** Сумын эдийн засгийг уул уурхайгаас гадна эрчимжсэн хөдөө аж ахуй, аялал жуулчлал, тээвэр логистик боловсрол, шинжлэх ухаан технологи зэрэг олон тулгуурт бүтэцтэй болгоно.
- Зорилт 4.** Сумын зөөлөн, хатуу дэд бүтцийг хөгжүүлэх замаар аймгийн бизнесийн орчинг сайжруулж, өрсөлдөх чадвартай хувийн хэвшлийг бий болгоно.
- Зорилт 5.** Төрийн болон хувийн секторын цахим шилжилтийг түргэтгэх замаар үр өгөөжийг нэмэгдүүлж, өрсөлдөх чадварыг сайжруулна.

### ХӨТӨЛБӨР, АРГА ХЭМЖЭЭ

Эдийн засгийн оролцоотой өсөлт, зузаан дундаж давхарга

1. Эдийн засгаа уул уурхайн салбарын хэт хараат байдлаас гаргах зорилгоор төрөлжүүлж, нүүрс-химийн болон хөнгөн-хүнсний үйлдвэрлэл, аялал жуулчлал, мэдлэгийн эдийн засгийн салбаруудын өсөлтийг дэмжих бодлого, төсөл хөтөлбөрүүдийг боловсруулж, хэрэгжүүлнэ.
2. Сумын иргэдийг ажлын байраар хангах, өрхийн орлого нэмэгдүүлэх зорилгоор “Өсөлтийг Өрх Бүрд” хөтөлбөрийг хэрэгжүүлнэ.
3. Малчдын орлогыг нэмэгдүүлэх, малаас авах ашиг шимийг нэмэгдүүлэх, улирлын нөлөөнөөс бага хамааралтай зорилготой “Чинээлэг малчин” хөтөлбөр хэрэгжүүлнэ.
4. Малчдын нийгмийн асуудлыг шийдвэрлэх, хөдөлмөрийг хөнгөвчлөх, бэлчээрийг усжуулах, бэлчээр ашиглалтыг сайжруулах, малчдын ундны усыг эрүүл ахуйн стандарт нийцүүлэх, малжуулах чиглэсэн хөтөлбөр хэрэгжүүлнэ.
5. “Нутгийн үйлдвэрлэгч” хөтөлбөрийг хэрэгжүүлж аймгийн бизнес эрхлэгч аж ахуйн нэгжийг өрсөлдөх чадвартай болгох, санхүү, хөрөнгө оруулалтын орон нутгийн эх үүсвэртэй болгоно.

6. Цогтцэций суманд хөнгөн хүнс, боловсруулах үйлдвэрийг хөгжүүлэх зорилгоор үйлдвэр, технологийн парк байгуулна.
7. Үйлдвэр, технологийн паркт үйл ажиллагаа явуулах аж ахуйн нэгжийг санхүү, хөрөнгө оруулалт, газар, дэд бүтэц, бизнесийн зөвлөх үйлчилгээний нэгдсэн бодлого, зохицуулалтаар хангана.
8. Газар тариалан, мал аж ахуй хосолсон эрчимжсэн болон хагас суурин фермерийн загвар аж ахуй байгуулах санаачилгыг дэмжсэн хөтөлбөр хэрэгжүүлнэ.
9. Өмнөговь аймгийн автотээврийн бодлогыг хэрэгжүүлж Цогтцэций суманд худалдааны зангилаа буюу тээвэр ложистикийн төв байгуулна.
10. Таван Толгойн ордыг түшиглэн кокс-химийн үйлдвэр байгуулах санаачилгыг бодлогоор дэмжинэ.
11. Дэлхийн аялал жуулчлалын байгууллагын “Аялал жуулчлалыг – Бүх нийтэд” уриалгыг хэрэгжүүлж Орон нутгийн иргэдийн аялал жуулчлалаас хүртэх ашиг орлогыг нэмэгдүүлнэ.
12. Орон нутгийн өвөрмөц онцлогийг харгалзсан эвент арга хэмжээнүүдийг иргэдийн оролцоонд тулгуурлан хөгжүүлж, зохион байгуулалт, үйл ажиллагааг нь орон нутгийн иргэд, мэргэжлийн байгууллагын хамтын удирдлагын тогтолцоонд шилжүүлнэ.
13. Уул уурхай, аж үйлдвэр, дэд бүтцийн төслийг орон нутгийн иргэдийн эрүүл мэнд, боловсрол, амьжиргаа, өрхийн орлого зэргийг бууруулахгүй, тэдний амьдрах орчинд сөрөг нөлөөлөл үүсгэхгүй байх бодлого хэрэгжүүлнэ.
14. Уул уурхай, аж үйлдвэр, дэд бүтцийн төслийн ханган нийлүүлэлтийн сүлжээнд орон нутгийн жижиг дунд үйлдвэрлэгч, бизнес эрхлэгчдийг нэгтгэх, тэдний өрсөлдөх чадварыг нэмэгдүүлэх хөтөлбөр хэрэгжүүлнэ.
15. Залуучууд, гарааны бизнес эрхлэгчдийн ажлын байр, санхүү, хөрөнгө оруулалт, технологи, инновацыг дэмжих бодлогын цогц хөтөлбөр хэрэгжүүлнэ.
16. Говь нутгийн онцлогийн шингээсэн соёлын бүтээлч үйлдвэрлэлийг аялал жуулчлалтай хослуулан хөгжүүлж, чөлөөт уран бүтээлчдийг дэмжих замаар соёлын үйлдвэрлэлийг нэмэгдүүлнэ.
17. Өмнөговь аймгийг Монгол Улсын Говийн бүсийн тулгуур хот болгох зорилгын хүрээнд Цогтцэций сумын хөгжлийн ерөнхий төлөвлөгөөг хэрэгжүүлнэ. Төлөвлөлтийн дагуу хот байгуулалтын инженерийн дэд бүтэц, нийгмийн үйлчилгээний бүтээн байгуулалтыг хэрэгжүүлнэ.
18. Цогтцэций сумын төвийн гэр хорооллыг иргэдийн оролцоотой дахин төлөвлөлтийг хэрэгжүүлэх зорилгоор “Шинэ хороолол” хөтөлбөрийг хэрэгжүүлнэ.
19. Өмнөговь аймагт “Шинэ Мянгын Айл” орон сууцны хөтөлбөр хэрэгжүүлнэ. Хөтөлбөрийн хүрээнд зорилтот бүлэг, залуу гэр бүл, төрийн албан хаагч, эмч, багш, хууль хүчний байгууллага, цэргийн хүрээний ажилтан, албан хаагчдыг орон сууцны нөхцөлийг сайжруулна.
20. Сумын орон нутгийн онцлог, байршил, түүхий эдийн давуу байдалд тулгуурлан цемент, шохой, бетон, асфальт зэрэг барилгын материал үйлдвэрлэлийг хөгжүүлнэ.
21. Цогтцэций суманд эрчим хүчний хэмнэлттэй орон сууцны хорооллыг төр-

- хувийн хэвшлийн түншлэлийн хүрээнд байгуулна.
22. Эрчим хүчний хэмнэлттэй, байгаль орчинд ээлтэй орон сууц барих, засварлах, халаалт дулааны орчин үеийн технологи нэвтрүүлэх бодлого хэрэгжүүлнэ..
  23. Цогтцэций суманд орон сууц, хаус хороолол байгуулах газарт инженерийн дэд бүтцийг байгуулна. Инженерийн дэд бүтэц бүхийг газарт орон сууц, хаус хорооллыг төр-хувийн хэвшлийн түншлэлийн хүрээнд барьж байгуулна.
  24. Цогтцэций суманд орчин үеийн технологийн шийдэл бүхий хог хаягдлыг дахин боловсруулах үйлдвэр байгуулна.
  25. Өмнөговь аймгийн айл бүр, алслагдсан нутгийн иргэд, төрийн байгууллагын ажилтан албан хаагчдыг өндөр хурдны интернэтийн сүлжээнд бүрэн холбоно.
  26. Мэдээлэл харилцаа холбооны шинэ техник, аж үйлдвэрийн IV, Инновацын 2.0 эрин үеийн технологийн дэвшлийг бүх шатанд ашиглалтыг нэмэгдүүлэх зорилготой “Цахим Цогтцэций” хөтөлбөр хэрэгжүүлнэ.
  27. Цогтцэций сумын хэмжээнд барилга, тээвэр, мал аж ахуй, газар тариалан, аялал жуулчлал, худалдаа, үйлчилгээний салбарт цахим шилжилтийг түргэтгэхийг урамшуулах, санхүү, хөрөнгө оруулалтын хөшүүргийг бий болгоно.
  28. Цогтцэций суманд нар, салхины эрэг сэргээгдэх эрчим хүчний эх үүсвэрийг ашиглан, эрчим хүчний дотоодын хэрэгцээг хангах улмаар экспортыг бодлогоор дэмжинэ.
  29. Өмнөговь аймгийн иргэд, аж ахуйн нэгж, уул уурхай, аж үйлдвэр, хөдөө аж ахуй, байгаль орчны төслийг гадаргын усны эх үүсвэртэй холбох зорилгоор Орхон-Онги, Хэрлэн Тоонот төслүүдийг бодлогоор дэмжинэ.
  30. Цогтцэций сумын төвийн суурин газрын цэвэр ус, бохир ус, дулааны шугамд айл өрхийг холбох ажлыг нэмэгдүүлэх бодлого хэрэгжүүлнэ.
  31. Цогтцэций суманд иргэн, аж ахуйн нэгжийн бизнес эрхлэхтэй холбоотой хяналт, шалгалтыг давхардуулахгүй, төрийн ямар нэгэн дарамт үзүүлэхгүй байх бодлого хэрэгжүүлнэ.
  32. Цогтцэций суманд түрээсийн орон сууц хөтөлбөр хэрэгжүүлнэ. Хөтөлбөр нь түрээсэлж, өмчлөх системтэй байна.
  33. Цогтцэций сумын баруун хэсэгт 7.2 км хатуу хучилттай автозам барих төслийг хэрэгжүүлнэ.
  34. Сумын шинэ суурьшлын бүсийн цахилгааны 0.4 квт-ын шугамыг тавина.

## И

## Боловсролын салбарын зорилго, зорилт

Иргэд, хүүхэд, залуус олон талт боловсролыг хүртээмжтэй олох нөхцөлийг бүрдүүлэн, тэдний гэр бүл, сургуулийн орчинд зөв төлөвшил, хүмүүжил, сурах арга барил эзэмшүүлэх замаар аль ч орны хөдөлмөрийн зах зээл дээр өрсөлдөх чадвартай мэргэжилтэн бэлтгэх

- Зорилт 1.** Цэцэрлэг, сургуулийн хамран сургалтыг зохих түвшинд байлгаж, хүүхэд, залуусын сурах бүтээлч орчинг бүрдүүлнэ.
- Зорилт 2.** Багшийн ажиллах, амьдрах орчинг сайжруулах бодлого хэрэгжүүлэх замаар багш, боловсролын салбарт ажиллагчдад мэдлэг ур чадвар, заах аргазүйгээ тасралтгүй хөгжүүлэн ахиулах нөхцөл бий болгоно.
- Зорилт 3.** Жил бүр гадаад, дотоодын шилдэг их сургуульд сурах оюутны тоог нэмэгдүүлэх бодлого баримтална. Тус бодлогын хүрээнд боломжит их сургуультай хамтарсан тэтгэлгийн сан байгуулах бодлого хэрэгжүүлнэ.
- Зорилт 4.** Сурагч, залуус, иргэдийг Өмнөговь аймгийн хөдөлмөрийн зах зээлийн эрэлтэд нийцсэн, өөрийн дурсонирхолтой мэргэжлээр сурах боломжийг бүрдүүлнэ.
- Зорилт 5.** Мэргэжил сургалт үйлдвэрлэлийн төвүүдийг шинээр байгуулж, шинэ төрлийн мэргэжил эзэмших ангиудыг нээж, хэрэгцээт мэргэжлээр суралцахыг бодлогоор дэмжинэ.
- Зорилт 6.** Бүх насны иргэд байнга сурч боловсрох, шинэ мэргэжил, ур чадвар эзэмших, тасралтгүй өөрийгөө хөгжүүлэх боломжоор хангана.

### ХӨТӨЛБӨР, АРГА ХЭМЖЭЭ

#### Багшийн хөгжил

- Орон нутгийн харьяат, ажиллаж буй багш нарыг гадаадад сурах, мэргэжил дээшлүүлэх боломжоор хангах зорилгоор "Чадварлаг багш" хөтөлбөрийг үргэлжлүүлэн хэрэгжүүлнэ.
- Орон нутагтаа тогтвор суурьшилтай, амжилттай ажиллаж байгаа төрийн албан хаагч, иргэдийг гадаад оронд туршлага судлуулах, мэргэшүүлэх "Хөгжлийн гүүр" хөтөлбөрийг үргэлжлүүлэн хэрэгжүүлнэ.
- Өмнөговийн харьяат болон чадварлаг мэргэжилтнүүд аймаг, орон нутагтаа ирж ажиллахыг бодлогоор дэмжин "Эзэмшсэн мэргэжлээрээ эх нутагтаа ажиллая" хөтөлбөрийг үргэлжлүүлэн хэрэгжүүлнэ.

#### Албан боловсрол, сургуулийн өмнөх боловсрол

1. Цогтцэций суманд хүн амын өсөлтийн хэрэгцээнд тулгуурлан цэцэрлэг, сургуулиудыг шинээр байгуулж, нэг багшид ногдох хүүхдийн тоог 25 байлгах бодлогын хэрэгжилтийг хангана.
2. Суралцахуйн бэрхшээлтэй хүүхэдтэй ажиллах аргазүйд суралцах, тусгай хэрэгцээт боловсролын чиглэлээр мэргэших хүсэлтэй сургуулийн өмнөх болон бага боловсролын багш боловсон хүчнийг дэмжих замаар хүүхэд бүрийг боловсролд тэгш хамруулах нөхцөлийг сайжруулна.
3. Суралцахуйн болон оюуны бэрхшээлтэй хүүхдэд тусламж дэмжлэг үзүүлэх сайн дурынханд орон нутгаас урамшуулал олгох тогтолцоо бүрдүүлж, "Туслах багш – Сүүдэр багш" хөтөлбөрийг хэрэгжүүлнэ.
4. Цэцэрлэгүүдэд "Зуны цэцэрлэг" хөтөлбөр хэрэгжүүлэхийг дэмжиж, зах зээлийн зарчмаар ажиллах чөлөөт боломжийг нээнэ. Ингэснээр асран хамгаалагчид ажил хийх, хүүхэд аюулгүй орчноор хангагдах, багш нар нэмэлт орлого олох боломжтой болно.
5. Сургалтын үйл ажиллагаа явуулдаг иргэн, байгууллага холбогдох хууль дүрмийн хүрээнд стандартад нийцсэн өдөр өнжүүлэх үйлчилгээ эрхлэхийг бодлогоор дэмжинэ.
6. Цэцэрлэг, сургууль, дотуур байрны хоолны амт, чанарыг сайжруулах, ялангуяа сумдын дотуур байрны гал тогоо, хоол бэлтгэлийн орчин нөхцөлийг сайжруулна.

#### Ерөнхий боловсрол

1. Дунд, ахлах ангийн сурагчдыг дотоод гадаадын олон улсын сургуулиудад урт болон богино хугацаагаар суралцах боломжийг олгох зорилгоор "Сурагч солилцоо" хөтөлбөрийг үргэлжлүүлэн хэрэгжүүлнэ.
2. Элсэлтийн ерөнхий шалгалт болон олон улсын шалгалтын үнэлгээнд өндөр оноо авсан багш, сурагчдыг тэтгэн урамшуулах тогтолцоо бүрдүүлнэ.
3. Сургуулийн номын сангийн үйлчилгээг сайжруулах "Найз номын сан" хөтөлбөр хэрэгжүүлж, номын фондыг баяжуулж, уншлагын танхимын орчин нөхцөл, ялангуяа гэрэлтүүлгийг олон улсын стандартын дагуу тавьж тохижуулан, ном ариутгах төхөөрөмжөөр хангана. Мөн "Цахим номын сан" нэвтрүүлэн, ном бүртгэлийг цахимжуулах, номын санчийг чадавхжуулах, ажлын үр дүн, уншигчийн тоогоор алдаршуулах, орон нутгаас урамшуулах тогтолцоог бүрдүүлнэ.
4. Бага, дунд ангийн сурагчдыг "Үдийн хоол", ахлах ангийн сурагчдыг "Үдийн цай" хөтөлбөрт хамруулж, идэвхтэй сурах үйл ажиллагааг дэмжин, хоол тэжээлийн хомсдолд орох, ходоодны өвчлөлөөс сэргийлнэ.
- 1.

#### Дээд боловсрол

1. Бага ангийн багш, сувилагч зэрэг орон нутагт нэн тулгамдаж буй боловсрол, эрүүл мэндийн салбарын мэргэжлийн боловсон хүчний хангамжийг нэмэгдүүлэхэд чиглүүлэн "Цалинтай оюутан" хөтөлбөр хэрэгжүүлнэ.
2. Жил бүр гадаад, дотоодын шилдэг их сургуульд урт богино хугацаагаар суралцах оюутны тоог нэмэгдүүлж, боломжит их дээд сургуультай "Оюутан солилцоо" хөтөлбөр хэрэгжүүлнэ. Мөн орон нутагтаа "Олон улсын боловсролын яармаг" тогтмол зохион байгуулж, гадаадад суралцах зөвлөгөө, мэдээлэл өгөх үйлчилгээг

дэмжинэ.

3. Үндэсний болон олон улсын шалгалт үнэлгээ, уралдаан, тэмцээн, олимпиадад өндөр оноо авсан, амжилт гаргасан багш, оюутныг урамшуулдаг тогтолцоотой бүрдүүлж, хөшүүргийг оновчтой болгоно.
4. Малын эмч, малзүйч, ойн инженер, агрономич зэрэг мэргэжлээр нас харгалзахгүй суралцахыг бодлогоор дэмжиж, хөдөө аж ахуйн салбарт дутагдаж байгаа хүний нөөцийн асуудлыг шийдвэрлэнэ.

### Албан бус боловсрол

1. Хүүхэд, залуус, иргэд, олон нийтэд зориулсан сургалт, судалгаа, солилцоо явуулдаг орон нутагт бүртгэлтэй аливаа боловсролын байгууллага, иргэний санаачилга, ашгийн болон ашгийн бус үйл ажиллагааг дэмжих нээлттэй бодлого хэрэгжүүлнэ.
2. Үндэсний болон бусад орон нутгийн онцлогтой спортыг хөгжүүлэх хөтөлбөр хэрэгжүүлж, сумдын хүн амын өсөлт, хөгжлийн хэрэгцээнд тулгуурлан спорт заал, спорт талбай, спорт цогцолбор барьж байгуулах, тоног төхөөрөмжөөр хангах, бүх нийтийн биеийн тамир, спортыг хөгжүүлэх орчинг бүрдүүлнэ.

### Шинжлэх ухаан, технологи, инноваци

1. Бүх салбарын цахим шилжилтийг түргэтгэхийн тулд “Цахим Цогтцэций” хөтөлбөрийг үргэлжлүүлэн хэрэгжүүлж, бүх нийтийн цахим хэрэглээний ур чадвар, цахим орчин дахь мэдээллийн аюулгүй байдал, харилцаа хандлагыг дээшлүүлэх ажлыг зохион байгуулна.
2. Хүүхэд, залууст зориулсан компьютер программчлал, инженерчлэл, математик, мэдээлэл зүй, роботикс, техник загвар, кодингийн сургалтын хөтөлбөр хэрэгжүүлэгч байгууллага, иргэдийг дэмжих бодлого баримталж, Цогтцэций суманд STEM сургалтын төв байгуулна.
3. Математик, физик болон байгалийн шинжлэх ухааны багш нарыг STEM боловсролын чиглэлд чадавхжуулах, олон улсын туршлага судлах, сургалтын шинэ аргазүй нэвтрүүлэхэд нь дэмжлэг үзүүлэх зорилтот хөтөлбөр хэрэгжүүлнэ.
4. Инновац технологийн хөгжлийг дэмжих хөтөлбөрийн хүрээнд шинжлэх ухаан, технологийн салбарын судалгаа, туршилт явуулж буй болон өндөр технологи нутагшуулж буй иргэн, байгууллагын төсөл, санаачилгыг орон нутгаас дэмжинэ.
5. Эрдэмтэн, судлаачдын технологийн шийдэл, шинэ бүтээл, оновчтой санааг оюуны өмчийн эрхийн тухай хуулиар баталгаажуулж, бүтээгдэхүүн, үйлчилгээ болгон хөгжүүлэх, зах зээлд нэвтрүүлэхэд нь дэмжинэ.

### Соёл, урлаг, спорт

1. Номын сангийн хөгжлийг шинэ түвшинд гаргах зорилгоор “Нутгийн номын сан” хөтөлбөр хэрэгжүүлнэ. Номын санчийг чадваржуулах, ном бүртгэлийн дэвшилтэт программ ашиглах нөхцөлийг сайжруулах, уншлагын танхимыг тохижуулах,

номын фондыг өргөжүүлж, найдвартай интернэт сүлжээгээр хангах, “цахим номын сан” ашиглах боломж нээх, номын сангийн үйлчилгээг хүртээмжтэй болгох, уншигчийн тоогоо нэмэгдүүлсэн номын санчийг урамшуулах тогтолцоо бий болгоно.

2. Хүүхэд, залуус, иргэдийн урлаг, спорт, гоо зүйн боловсролыг дэмжих хөтөлбөр хэрэгжүүлнэ. Цогтцэций суманд хүүхэд залуучуудын хөгжлийн ордон байгуулна.

### Насан туршийн боловсрол

1. Бүх нийтийн эрүүл мэндийн боловсрол, өсвөр насныхны бэлгийн боловсрол, залуучуудын гэр бүл төлөвлөлтөд чиглэсэн сургалтуудыг дэмжинэ.
2. Бүх нийтийн монгол уламжлал, ёс заншил, байгаль, экологийн боловсролыг дээшлүүлэх зорилтот хөтөлбөр хэрэгжүүлнэ.
3. Бүх нийтийн хотын соёл, хотын дүрэм, нийгмээр амьдрах зарчим, хоггүй амьдралын хэв маяг гэх мэт суурин соёлын талаарх мэдлэгийг түгээнэ.
4. Бүх нийтийн англи хэлний боловсролыг дээшлүүлэх чиглэлд үйл ажиллагаа явуулж буй иргэний санаачилга, байгууллагыг гаргасан амжилт, үр дүнд нь суурилан урамшуулдаг тогтолцоог бий болгоно.
5. Бүх нийтийн хууль эрх зүйн мэдлэгийг дээшлүүлж, Монгол Улсын Үндсэн хуулийн үзэл санааг түгээн дэлгэрүүлэх хөтөлбөр хэрэгжүүлнэ.
6. Бүх нийтийн санхүүгийн боловсролыг дээшлүүлэх хөтөлбөр хэрэгжүүлнэ. Мөн бүх нийтэд зориулсан төслийн менежментийн сургалт, насанд хүрэгчдэд зориулан нягтлан бодох бүртгэлийн эчнээ сургалт зэргийг орон нутагтаа зохион байгуулахыг бодлогоор дэмжинэ.
7. Малчид, өрхийн үйлдвэрлэл, хувийн бизнес эрхлэгчид, гарааны аж ахуйн нэгжүүдийг чадавхжуулах, өрсөлдөх чадамжийг нэмэгдүүлэхэд чиглэсэн ур чадварын сургалтуудыг тогтмол явуулах, гадаад дотоодод туршлага судлахад нь дэмжлэг үзүүлэх зорилтот хөтөлбөр хэрэгжүүлнэ.

## Ш

### Засаглалын хөгжлийн зорилго, зорилт

Хувь хүний халдашгүй байдал, хууль ёсны эрх, ашгаа хамгаалуулах, шударгаар шийдвэрлүүлэх, гэм буруутай нь шүүхээр тогтоогдоогүй байхад ял зэм хүртэхгүй, хуулиас гадуур мөрдөн шалгагдахгүй байх, ялгаварлал, хүчирхийллээс ангид, айдасгүй амьдрах нөхцөлийг бүрдүүлнэ

- Зорилт 1.** Хүний эрхийг дээдэлсэн, иргэдийн оролцоог хангасан, ил тод, ёс зүйтэй, шуурхай төрийн үйлчилгээг оновчтой бодлогоор удирдана.
- Зорилт 2.** Төрийн үйлчилгээний чанар, хүртээмжийг сайжруулж, авлига, хүнд сурталгүй, иргэдийн эрэлтийг хангасан үйлчилгээг бий болгоно.

- Зорилт 3.** Сумын удирдлага иргэдийн оролцоотой шийдвэр гаргадаг, тэр шийдвэр нь ил тод, шуурхай хүртээмжтэйгээр иргэдэд хүргэдэг болно.
- Зорилт 4.** Орон нутгийн иргэдийн тэгш оролцоог хангаж, аливаа хэлбэрийн ялгаварлан гадуурхах байдлыг устгана.
- Зорилт 5.** Ил тод, нээлттэй байдал, иргэдийн оролцоог хангах зорилгоор “Цахим засаглал” бий болгоно.
- Зорилт 6.** Хүний эрх, иргэний оролцоо, өөрийн зохицуулалтын чиглэлд үйл ажиллагаа явуулдаг төрийн бус байгууллага, сайн дурын үйл

### ХӨТӨЛБӨР, АРГА ХЭМЖЭЭ

1. Хүүхэд, эмэгтэйчүүдийн эсрэг хүчирхийллээс урьдчилан сэргийлэх, гэр бүл, сургуулийн орчинд хүүхдийн эрхийг хангах явдлыг эрчимжүүлнэ.
2. Орон нутгийн төрийн байгууллага, нийгэм, эдийн засаг, соёлын хүрээнд Жендерийн эрх тэгш байдлыг хангах тухай хуулийн хэрэгжилтийг хангаж, бүх түвшинд жендерийн бодлого хэрэгжүүлнэ.
3. Төрийн бүх шатанд хүний эрх, эрх чөлөө, эрүүл мэнд, байгаль орчны эсрэг аливаа үйл ажиллагааг дэмжихгүй, оролцохгүй байх зарчмыг мөрдүүлнэ.
4. Сумын иргэдийн төлөөлөгчдийн хурлын үйл ажиллагаанд иргэд олон нийтийн оролцоо, хяналтыг сайжруулна. ИТХ-ын төлөөлөгчид болон иргэд, сонгогчдын эргэх холбоог нэмэгдүүлнэ.
5. Иргэдийн цахим өргөдөл, гомдол гаргах, шуурхай шийдвэрлүүлэх боломжийг хангасан цахим өргөдлийн нэгдсэн сүлжээ, платформ бий болгоно.
6. Иргэн цахим санаачилга гаргасан, иргэд цахимаар гарын үсэг цуглуулж тодорхой асуудлыг дэвшүүлсэн тохиолдолд аймаг, сумын ИТХ шууд авч хэлэлцэх журам тогтооно.
7. Төрийн үйлчилгээний чанар, хүртээмжийг сайжруулах, үйл ажиллагааны ил тод байдлыг нэмэгдүүлэх, шийдвэр гаргах үйл ажиллагаанд иргэдийн оролцоог нэмэгдүүлнэ.
8. Нутгийн өөрөө удирдах ёс болон төрийн захиргааны байгууллагын гаргасан бодлого, шийдвэрийн үр нөлөөг бодлогын судалгааны хүрээлэнгээр дамжуулан үнэлдэг болгоно.
9. Сумын хэмжээнд төрийн зарим чиг үүргийг иргэний нийгэм, мэргэжлийн холбоодод шилжүүлж, тэдгээрийн чадавхыг дээшлүүлэх, зах зээлийн стандарт тогтоох, хянах эрхийг олгоно.
10. Сумын хэмжээнд төрийн зарим ажил, үйлчилгээг иргэний нийгмийн байгууллагаар гэрээгээр гүйцэтгүүлэх ажлыг өргөжүүлж, төрийн ачаалал, зардлыг хэмнэх бодлого хэрэгжүүлнэ.
11. Ил тод, нээлттэй байдал, иргэдийн оролцоог хангах зорилгоор Цахим засаглал бий болгоно.
12. Цахим орчны эрх зүйн харилцааг боловсронгуй болгох, цахим орчинд хүний нэр төр, ажил хэргийн нэр хүндийг хамгаалах, байгууллага, хувийн мэдээлэл, нууц,

өгөгдлийн аюулгүй байдлыг хангана.

13. Төрийн үйл ажиллагаа, төсвийн зарцуулалт, төрийн өмчит аж ахуйн нэгжүүдэд тавих иргэний болон хөндлөнгийн хяналтыг нэмэгдүүлнэ.
14. Нас, хүйс, хөгжлийн ялгаа, бэлгийн чиг баримжаа гэх мэт аливаа төрлийн ялгаварлал, дарамт, хүчирхийллийг ажлын байр, олон нийтийн бүх орчинд таслан зогсооход чиглэсэн үе шаттай арга хэмжээг тогтмол хэрэгжүүлнэ.
15. Иргэний өргөдөл, гомдлыг хууль зүйн үндэслэлгүйгээр хүлээн авахаас татгалзсан, шийдвэрлэхгүй хугацаа хэтрүүлсэн төрийн албан тушаалтанд тодорхой хариуцлага хүлээлгэдэг болгоно.
16. Хүний эрх, байгаль орчин зэрэг чиглэлийн төрийн бус байгууллага, санаачилга, өөрийн зохицуулалтын чиглэлийн аливаа санаачилгыг дэмжинэ.
17. Орон нутгийн өмчит, өмчийн оролцоо бүхий аж ахуйн нэгжүүдэд сайн засаглалын орчин үеийн менежментийг нэвтрүүлж, цалин, урамшууллын тогтолцоог стандартжуулна.
18. Төрийн албаны мерит зарчмыг хадгална.

## И

## Эрүүл мэндийн салбарын зорилго, зорилт

Сумын хүн бүрийн эрүүл мэндийг хамгаалах, аливаа өвчлөлөөс урьдчилан сэргийлэх, өвчнийг оношлох, эрүүл дадал хэвшилтэй, идэвхитэй амьдралын хэв маягтай иргэн улмаар эмчлэх замаар дундаж наслалтыг нэмэгдүүлэхэд оршино

- Зорилт 1. Хүн амыг аливаа өвчлөлөөс урьдчилан сэргийлж, өвчнийг эрт илрүүлэх бодлогыг хэрэгжүүлнэ.
- Зорилт 2. Эмнэлгүүдийн чанар, хүртээмжийг нэмэгдүүлнэ.
- Зорилт 3. Иргэдийг эрүүл дадал хэвшил, амьдралын идэвхтэй хэв маягт уриалсан бодлого хэрэгжүүлнэ.
- Зорилт 4. Хөгжлийн бэрхшээлтэй иргэд идэвхтэй сурч, хөдөлмөрлөх, орлогоо нэмэгдүүлж, нийгмийн харилцаанд ороход тэгш, хүртээмжтэй, тогтвортой нөхцөлийг бүрдүүлнэ.
- Зорилт 5. Эмч, сувилагч, эрүүл мэндийн салбарын мэргэжилтний тоо, хүрэлцээг нэмэгдүүлнэ. Тэдний амьдрах орчин, нийгмийн хамгааллыг сайжруулна.

## ХӨТӨЛБӨР, АРГА ХЭМЖЭЭ

1. Иргэн бүр эрүүл мэндийн байгууллагаас чанартай, соёлтой үйлчилгээ хүртэхэд чиглэсэн зорилтот хөтөлбөр хэрэгжүүлнэ.
2. Иргэн бүрийг өвчнөөс урьдчилан сэргийлэх, эрт илрүүлэх үзлэг, оношилгоо, шинжилгээнд тогтмол хамрагдахыг дэмжсэн бодлого хэрэгжүүлнэ.

3. Сумын хэмжээнд 18 хүртэлх насны хүүхдүүдийг урьдчилсан сэргийлэх үзлэг, оношилгоонд хамруулах зорилтот хөтөлбөр хэрэгжүүлнэ.
4. Хүн амын эрүүл чийрэг байхад зориулагдсан спорт заал, бялдаржуулах төвийн хүртээмжийг нэмэгдүүлнэ.
5. "Эрүүл элэг", "Эрүүл шүд" хөтөлбөрийг үргэлжлүүлэн хэрэгжүүлэх, хавдрын химийн эмчилгээний чанар хүртээмжийг нэмэгдүүлнэ.
6. Бөөр, шээс, бэлгийн замын халдварт өвчинтэй тэмцэх зорилтот аяныг аймгийн хэмжээнд зохион байгуулна. Өсвөр насныхан болон насанд хүрэгчдэд нөхөн үржихүйн эрүүл мэнд, бэлгийн боловсрол олгох цогц нөлөөллийн ажил явуулах, өвчнөөс урьдчилан сэргийлэх үзлэгт хамрагдах, эрт оношлуулах, эмчлүүлэх ач холбогдолтой талаар олон нийтэд зөв ойлголт өгөх, оношилгоо, эмчилгээ, нөхөн үржихүйн асуудлаарх олон нийтийн хүний эрхийн мэдрэмжийг дээшлүүлнэ.
7. Хүүхэд залуусын сэтгэцийн эрүүл мэндийг хамгаалах, архи, тамхи болон цахим тоглоом, видео контентод донтох, сэтгэцэд нөлөөлөх бодист мансуурах зэрэг эрсдэлээс урьдчилан сэргийлэх зорилтот хөтөлбөр хэрэгжүүлнэ. Нойрны дутагдлаас үүссэн мэдрэлийн ядаргаа, сэтгэл түгшилт, сэтгэл гутралаас сэргийлэх, уур бухимдал тайлах идэвхтэй аргуудыг сурч, сэтгэл хөдлөлийн ур чадваруудыг эзэмшихэд нь дэмжлэг үзүүлэх үйлчилгээ нэвтрүүлнэ.
8. Хувийн хөрөнгө оруулалтаар спорт, бялдаржуулах клуб, эрүүл зөв амьдралын хэв маягийг ард иргэдэд хэвшүүлэх зорилго бүхий үйл ажиллагааг бодлогоор дэмжинэ.
9. Эх хүүхдийн эрүүл мэнд хөтөлбөрийг боловсронгуй болгож, эх хүүхдийн хоол тэжээлд дэмжлэг үзүүлэх "Сүү тараг" хөтөлбөрийг үргэлжлүүлэн хэрэгжүүлнэ.
10. Эмч мэргэжилтний мэдлэг ур чадвар, ёс зүй хариуцлага, харилцаа хандлагыг сайжруулах сургалт, арга хэмжээ зохион байгуулж, эмч, сувилагч, эмнэлгийн мэргэжилтнүүдийн ур чадварыг дээшлүүлж, харилцаа хандлагыг сайжруулах, дутагдалтай мэргэжилтнээр хангана.
11. Агаарын бохирдол, тоосжилт, хөрсний бохирдол, хорт ургамлаас шалтгаалсан харшлын өвчлөлийг бууруулах, урьдчилан сэргийлэх зорилгоор "Харшлын эсрэг тэмцье" хөтөлбөрийг хэрэгжүүлнэ.
12. Цахим эрүүл мэндийн системийг хөгжүүлж, үйлчилгээний шуурхай байдал, эмнэлгийн үйл ажиллагааны зохион байгуулалт, ажлын чанар, хариуцлагыг дээшлүүлэх нөхцөлийг бүрдүүлнэ.
13. Хөгжлийн бэрхшээлтэй иргэд болон ахмад настанд зориулсан "Хөгжлийн төв"-ийг байгуулна.
14. Хөдөлмөр эрхлэлтийг нэмэгдүүлж, ажилгүйдлийг бууруулах зорилгоор "Өсөлтийг өрх бүрд" хөтөлбөрийг боловсронгуй болгож, үргэлжлүүлэн хэрэгжүүлнэ.
15. Гэр бүл төлөвлөлт, эрүүл мэнд, эрүүл хооллолт, амьдралын зөв хэвшлийн боловсролыг хангах чиглэлд ажиллаж буй ТББ, иргэдийн өгөөжтэй үйл ажиллагааг дэмжинэ. Залуучуудын эрүүл мэнд боловсрол, хөдөлмөр эрхлэлт, нийгмийн харилцаа, сэтгэл зүй, хөгжлийн хэрэгцээг дэмжихэд чиглэсэн "Залуус" хөгжлийн хөтөлбөрийг үргэлжлүүлэн хэрэгжүүлнэ.

16. Залуучуудын эрүүл мэнд, боловсрол, хөдөлмөр эрхлэлт, нийгмийн харилцаа, сэтгэл зүй, хөгжлийн хэрэгцээг дэмжих зорилгоор Цогтцэций суманд Залуучууд хөгжлийн төвийн барилгыг барьж ашиглалтад оруулна.
17. Иргэдийн хүнсний бүтээгдэхүүнээ зөв сонгох, аюулгүй хүнс хэрэглэхийн ач холбогдол болон хүний эрүүл мэндэд сөрөг нөлөө үзүүлэх бүтээгдэхүүн, үйлчилгээнээс татгалзах зан үйлийг дэмжинэ.
18. Хүнсний хувьсгал үндэсний хөдөлгөөнийг сумын хэмжээнд өрнүүлж, Хүнсний хангамж-аюулгүй байдлын төлөвлөгөөг хэрэгжүүлэхийн зэрэгцээ хүнсний хяналт шалгалтыг боловсронгуй болгоно.
19. Гэр бүл болон иргэд хамтран нийгэмд хорших маягаар хөдөлмөрлөх, өөрийгөө хөгжүүлэх санал санаачилгыг дэмжинэ.
20. Ахмадын амралт сувиллын газар, хоол тэжээлийн төвийг Цогтцэций суманд байгуулна.

## Г

## Байгаль орчны салбарын зорилго, зорилт

Говь цөлийн бүсийн экологийн тэнцвэрийг хангах, хүрээлэн буй орчны унаган төрхийг хэвээр хадгалан үлдээх, хүний буруутай үйл ажиллагаа, уул уурхайн хайгуул, олборлолт, тээвэрлэлт, үйлдвэрлэлээс байгалд үзүүлэх сөрөг нөлөөллөөс урьдчилан сэргийлэх, байгал орчны хэтийн бодлогын удирдлагыг орон нутгийн түвшинд оновчтой төлөвлөх, хэрэгжүүлэх.

4617144456  
KIOA0068 9047824

- Зорилт 1.** Иргэд, олон нийт, төрийн бус байгууллагын оролцоотойгоор байгаль хамгаалах, хүрээлэн буй орчны бохирдлыг бууруулах төсөл, хөтөлбөр, нөлөөллийн ажлыг төлөвлөн хэрэгжүүлнэ.
- Зорилт 2.** Агаар, хөрс, ус, гэрлийн бохирдлыг зөвшөөрөгдөх хэмжээнд хүргэх буюу хадгална. Гэр хорооллоос үүдэлтэй орчныг бохирдлыг бууруулна. Хуурай технологийн жорлонг байгуулна.
- Зорилт 3.** Байгал орчинд хохирол учруулсан аливаа хуулийн этгээд, иргэнд зохих хариуцлагыг хүлээлгэж хохирол барагдуулах механизмыг боловсронгуй болгоно.
- Зорилт 4.** Уул уурхайгаас үүдэлтэй байгаль орчны бохирдлуудыг бууруулна. Хууль бус лицензийг цуцалж, эвдэгдээгүй газар нутгийг унаган төрхөөр нь хадгалан хамгаалж, аялал жуулчлалын шинэ зорих газрыг бий болгоно.
- Зорилт 5.** Өмнөговь аймгийн нийт газар нутаг, төв суурин газрын ногоон байгууламжийг нэмэгдүүлнэ.

**Зорилт 6.** Биологийн олон янз байдал, тэр дундаа ховордож буй амьтан, ургамлыг хамгаална. Байгалын өвт газруудын хамгаалал, ашиглалтыг орон нутгийн иргэдийн оролцоонд тулгуурлан хэрэгжүүлнэ.

**Зорилт 7.** Байгал орчинд халгүй технологи нэвтрүүлэхэд шаардлагатай санхүүгийн хөшүүрэг бий болгож, энэ чиглэлд төр-хувийн хэвшлийн хамтын ажиллагааг дэмжинэ.

#### ХӨТӨЛБӨР, АРГА ХЭМЖЭЭ

1. Зэрлэг амьтны усны эх үүсвэрийг нэмэгдүүлж, бага гүний худаг гаргах, дарагдсан булаг, худгийг сэргээнэ.
2. Орон нутгийн иргэдийн Байгал хамгаалах нөхөрлөл, ТББ-ыг хөхиүлэн дэмжиж байгаль хамгааллын үр шимийг хүртэх боломжийг бий болгоно.
3. “Хашаандаа сайхан амьдарцгаая” аяныг өрнүүлж иргэдийг хашаандаа ая тухтай сайхан амьдрах дэд бүтцээр хангана. Сумын хэмжээнд иргэн, аж ахуйн нэгжийн ашигт ургамал, жимс жимсгэнэ, алим тариалалтыг нэмэгдүүлэх хөтөлбөр хэрэгжүүлнэ..
4. Хариуцлагатай уул уурхайн нэр бүхий найман зарчмыг Байгал орчныг хамгаалан тэтгэх түншлэлээр дамжуулан хэрэгжүүлнэ.
5. Агаарын бохирдол, хөрсний бохирдол, экологийн хүчин зүйлийн зэрэг байгаль орчны үзүүлэлтүүдийг тогтмол хэмжиж, үр дүнг дүгнэж байна.
6. Уул уурхайн үйлдвэрлэл хөгжиж буй Цогтцэций суманд тоосжилтыг бууруулах, агаарын бохирдлыг арилгах “Бохирдолгүй Цогтцэций” хөтөлбөр хэрэгжүүлнэ.
7. Байгал орчинд халгүй технологи нэвтрүүлэх хувийн хэвшлүүдийг санхүү, хөрөнгө оруулалт, бодлогоор дэмжинэ.
8. Задгай булаг шанд, баян бүрд, горхи, гадаргад ойрхон уст цэгүүдийг дайруулан ногоон бүс байгуулах иргэд, аж ахуйн нэгжийн санал санаачилгыг дэмжинэ.
9. Гар аргаар алт болон бусад түүхий эд олборлогчдыг бичил уурхайн нэгдсэн зохион байгуулалтад орж ажиллах санаачилгыг дэмжиж, эрх зүйн орчныг бүрдүүлэн ажиллана.
10. Сумын тусгай хамгаалалттай газрыг шат дараалан өргөтгөнө. Зэрлэг амьтдын дамжин өнгөрөх, нүүдэллэх коридор нутгийг орон нутгийн болон Улсын тусгай хамгаалалтад авах бодлогыг хэрэгжүүлнэ.
11. Говийн бүсийн экосистемд нөлөө үзүүлэх шүхэр зүйлийг хамгаалах, өсгөхөд чиглэсэн бодлогыг хэрэгжүүлж, зэрлэг амьтан судалж, өсгөн үржүүлэх чиглэлд дотоод, гадаадын мэргэжлийн болон олон нийтийн байгууллагын хамтын ажиллагааг бэхжүүлнэ.
12. Сумын усны нөөц, чанарын, хяналтын нэгжийн үйл ажиллагааг бэхжүүлж, газар нутгийн усны судалгаа, шинжилгээ, ашиглалт, хамгаалалтын тогтолцоог боловсронгуй болгоно.
13. Иргэд, аж ахуйн нэгж, уул уурхай, аж үйлдвэр, хөдөө аж ахуйн төслийн усан хангамжийн найдвартай эх үүсвэр бий болгоход чиглэсэн “Орхон-Онги”, “Хэрлэн-Тоонот” төслүүдийг бодлогоор дэмжинэ.

14. Сумын хэмжээнд төв суурин газар, газар тариалан, ногоон байгууламж, таримал ойн сангийн усны эх үүсвэрт зориулан хөв цөөрөм, гадаргын усаар гүний усыг арвижуулах төсөл, газрын доорх далан байгуулах төслүүдийг хэрэгжүүлнэ.
15. Сумын төвийн ногоон байгууламжийг ус хангамжийн нэгдсэн, найдвартай эх үүсвэрт холбоно.
16. Сумын хэмжээнд иргэн, аж ахуйн нэгжийн газар тариалан, ногоон байгууламжийн усалгаанд усны хэмнэлттэй технологи нэвтрүүлэх санаачилгыг дэмжих, урамшуулах бодлого хэрэгжүүлнэ.
17. Саарал усны хэрэглээг нэмэгдүүлэх, шинэ технологийг нутагшуулах, саарал усны үйлдвэр болон ус дамжуулах хоолой байгуулж, ногоон байгууламж, үйлдвэр, үйлчилгээнд усны хэрэглээнд ашиглана.
18. Гал, үерийн аюул, газар хөдлөлт зэрэг байгалийн болзошгүй аюулаас урьдчилан сэргийлэх тогтолцоог бэхжүүлж, менежментийг сайжруулна.
19. “Модон жорлонгүй анхны аймаг” болох зорилтыг үе шаттай хэрэгжүүлнэ. Хуурай технологийн жорлонг байгуулах санаачилга хэрэгжүүлнэ.
20. Хүрээлэн буй орчныг хамгаалах, байгальд ээлтэй шинэ технологи, үйлдвэрлэлийг бий болгож үр ашигтай ажлыг тууштай дэмжин ажиллана.
21. Химийн хорт болон цацраг идэвхт бодис алдагдах, хүн, мал, амьтны гаралтай гоц халдварт өвчин гарахад авах арга хэмжээг оновчтой боловсруулна.
22. Экосистем, зэрлэг байгалийн танин мэдэхүйн сурах бичиг, хичээлийн хөтөлбөр бий болгоно. Байгал хамгаалах сайн дурын клуб, хүүхдийн клуб, төрийн бус байгууллагын үйл ажиллагааг дэмжин хөгжүүлнэ.
23. Байгалын шинжлэлийн хичээлийн багш нарын сургалтын хөтөлбөрт байгаль орчны бодлогын хөтөлбөр суулгаж, Өмнөговь аймгийн есөн гайхамшгийн аялал, сурагчдын байгаль орчны танин мэдэхүйн календарчилсан сургалт, аяллыг зохиож хэвшинэ.
24. Говь цөлийн экосистем, биологийн олон янз байдал, экосистемд үзүүлдэг хүний буруутай үйлдлийн сурагчид, залуучууд, иргэдийн мэдлэгийг нэмэгдүүлнэ.